

ԱՐՁԱՆԱԳՐՈՒԹՅՈՒՆ

ՀՀ Գեղարքունիքի մարզի Վարդենիս համայնքի Շատվան բնակավայրի վարչական ղեկավարի նստավայրում կայացած ՀՀ Գեղարքունիքի մարզի Վարդենիս համայնքի Շատվան բնակավայրի կրթահամալիրի կառուցման նախագծի շրջակա միջավայրի վրա ազդեցության գնահատման հաշվետվության վերաբերյալ 1-ին հանրային քննարկումների

2024թ-ի հոկտեմբերի 02-ին, ժամը 12:00-ին ՀՀ Գեղարքունիքի մարզի Վարդենիս համայնքի Շատվան բնակավայրի վարչական ղեկավարի նստավայրում տեղի ունեցավ ՀՀ Գեղարքունիքի մարզի Վարդենիս համայնքի Շատվան բնակավայրի կրթահամալիրի կառուցման նախագծի և նախնական գնահատման հայտի վերաբերյալ 1-ին հանրային քննարկումը՝ «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի պահանջների համաձայն: Հանրային քննարկումների հայտարարությունը հրապարակված է եղել «Առավոտ» օրաթերթի 2024 թ-ի օգոստոսի 31-ի համարում:

Հանդիպմանը մասնակցում էին Հայաստանի Տարածքային Զարգացման Հիմնադրամի, ՀՀ Գեղարքունիքի մարզի Վարդենիս համայնքի և Շատվան բնակավայրի, նախագծող կազմակերպության («Լուք» ՍՊԸ), նախագծի շրջակա միջավայրի վրա ազդեցության գնահատման հաշվետվության մշակման և հանրային լսումների կազմակերպման պատասխանատու ընկերության («Ի ՄԻ Ի Քաուբազուս» ՍՊԸ) ներկայացուցիչները:

Վարդենիս համայնքի ղեկավարի օգնական **Ա. Եղիազարյանը** ողջունեց ներկաներին և ներկայացրեց հանդիպման նպատակը: Այնուհետև խոսքը փոխանցեց հանրային լսումների կազմակերպման պատասխանատու ընկերության ներկայացուցիչ Մ. Խաչատրյանին:

Մ. Խաչատրյանը ողջունեց մասնակիցներին և իրազեկեց ներկաներին, որ քննարկվող նախագիծը, «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 12-րդ հոդվածի համաձայն ենթակա է փորձաքննության, որի համար նախատեսվում է 2 հանրային քննարկում: Քննարկումների արդյունքում առաջացած առաջարկությունները հաշվի կառնվեն՝ հետագա գործողությունների համար: Այնուհետև Մ. Խաչատրյանը ներկայացրեց ծրագրին և նախագծին վերաբերող որոշ մանրամասներ, հնարավոր բնապահպանական միջոցառումները և ներկաներին հորդորեց տալ հարցեր և ներկայացնել առաջարկներ, այնուհետև խոսքը փոխանցեց նախագծող կազմակերպության ներկայացուցիչ՝ Տ. Առաքելյանին:

Տ. Առաքելյանը ներկայացրեց ընդհանուր տեղեկատվություն կառուցվող կրթահամալիրի մասին:

Այնուհետև **Ս. Բաղդասարյանը** ներկայացրեց կրթահամալիրի տեխնիկական և քանակային մանրամասները գծագրերի օգնությամբ:

Տ. Առաքելյանը հավելեց, որ կրթահամալիրը ապահովվելու է ֆոտովոլտային կայաններով, քանի որ համայնքը գազիֆիկացված չի: Ինչպես նաև հայտնեց գործունեությանը վերաբերող աշխատանքների ընթացքի մասին:

Ներկաները հետաքրքրվեցին տեղացիներին շինարարական աշխատանքների մեջ ներգրավելու հնարավորության մասին:

Նախագծող ընկերության ներկայացուցիչը տեղեկացրեց, որ նախատեսվում է ներգրավել համապատասխան մասագետներ բնակիչների կազմից:

Ս. Գևորգյանը հավելեց, որ Շատվան բնակավայրի բնակիչների ներգրավումը շինարարական աշխատանքների մեջ հանդիսանում է նաև սոցիալական մեղմացնող միջոցառում և պարտադիր պետք է կիրառվի: Հորդորեց նաև բնակավայրի վարչական ղեկավարին կազմել համապատասխան մասնագետների ցուցակ:

Տ. Առաքելյանը տեղեկացրեց հողահատկացման գործընթացի մասին:

Համայնքի քաղաքաշինության բաժնի ներկայացուցիչը նաև հավելեց, որ գործող դպրոցի մասնաշենքը քանդել չի նախատեսվում: Ինչպես նաև պարզաբանումներ տրամադրեց հողակտորների սեփականության վկայականների պատրաստման գործընթացի մասին:

Տ. Առաքելյանը խնդրեց դպրոցի ներկայացուցիչներին բացատրական աշխատանքներ անցկացնել աշակերտների հետ, որպեսզի խուսափեն շինհրապարակ մտնելուց:


Ներկաները քննարկեցին բնակավայրում ջրի սակավության խնդիրները և դրանց լուծման ճանապարհները:

Նախագիծը արժանացավ դրական գնահատականի Շատվան բնակավայրի բնակիչների կողմից:

Այլ հարցեր չինչեցին և **Ա. Եղիազարյանը** ավարտեց քննարկումը:

Քննարկումների վարող և պատասխանատու՝


ՀՀ Գեղարքունիքի մարզի Վարդենիս համայնքի ղեկավարի օգնական՝



Ա. Եղիազարյան

Ձեռնարկողի ներկայացուցիչ՝

«ԼՈՒՔ» ՍՊԸ-ի տնօրեն՝



Տ. Առաքելյան